

## ԱՐՁԱՆԱԳՐՈՒԹՅՈՒՆ ԹԻՎ 2

Հայաստանի Հանրապետության Արագածոտնի մարզպետարանում 09.04.2015թ տեղի ունեցած մարզխորհրդի նիստի

Մասնակցում էին

- Ս.Սահակյան ՀՀ Արագածոտնի մարզպետ
- Ն. Մովսիսյան մարզպետի տեղակալ
- Մ Աբգարյան մարզպետի տեղակալ
- Հ.Գևորգյան մարզպետարանի աշխատակազմի ղեկավար
- Հ.Օհանյան ՀՀ ՏԿԱԻ նախարարության վարչական վերահսկողության բաժնի պետ
- ՀՀ Արագածոտնի մարզպետարանի աշխատակազմի կառուցվածքային ստորաբաժանումների ղեկավարներ
- ՀՀ Արագածոտնի մարզի համայնքների ղեկավարներ
- ՀՀ Արագածոտնի մարզի ԲԿ ղեկավարներ
- ՀՀ ԱԻՆ Արագածոտնի փրկարարական վարչության ներկայացուցիչներ

## Օ Ր Ա Կ Ա Ր Գ

### ՀՀ Արագածոտնի մարզի խորհրդի նիստի

09.04.2015թ.

ժ. 11.00

1. Հայրց Մեծ Եղեռնի 100 ամյակին նվիրված ՀՀ Արագածոտնի մարզի միջոցառումների ծրագրի իրականացման ընթացքի մասին /զեկ.' մարզպետարանի աշխատակազմի Կրթության, մշակույթի և սպորտի վարչության պետի պաշտոնակատար Ս. ՊԵՏՐՈՍՅԱՆ/:
- 2.
3. Մարզի համայնքներում 2015 թվականի մայիսի 1-ից սանիտարական միամսյակ հայտարարելու և հետագա աշխատանքները պատշաճ կազմակերպելու մասին /զեկ.' մարզպետարանի աշխատակազմի քաղաքաշինության վարչության պետ Ա. ԴԱՎԱՅԱՆ/:
4. Մարզում նոր աշխատատեղերի ստեղծման նպատակով, համապատասխան ծրագրերի առկայության դեպքում, կազմակերպություններին, ձեռնարկություններին, ընկերություններին վաճառքի տրամադրման հնարավորության քննարկման մասին /զեկ.' մարզպետարանի աշխատակազմի զարգացման ծրագրերի բաժնի պետ՝ Ի. ԲԱՐՍԵՂՅԱՆ/:
5. Մարզի համայնքների բյուջեների կատարման և սեփական եկամուտների հավաքագրման գործընթացի մասին /զեկ.' մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն.ԳԱԼՍՅԱՆ/:
6. Վերջին 10-15 տարում մարզում քաղաքացիների կողմից սեփական հողերից հրաժարվելու դեպքերի և այդ հողերի հետագա տնօրինման օրինականության մասին/զեկ.' մարզպետարանի աշխատակազմի հողաշինության և հողօգտագործման բաժնի պետ Գ. ՕՀԱՆՅԱՆ/:
7. Հայտարարություններ

Ապրիլի 9-ին կայացավ Արագածոտնի մարզխորհրդի հերթական նիստը: Օրակարգային առաջին հարցը վերաբերում էր Հայոց Մեծ Եղեռնի 100 ամյակին նվիրված միջոցառումների ծրագրի իրականացման ընթացքին: Ներկայացվեց, որ աշխատանքները համակարգում է մարզպետ Սարգիս Սահակյանի ղեկավարությամբ ստեղծված մարզային հանձնաժողովը: Կազմված միջոցառումների ժամանակացույցի համաձայն մարզի բոլոր համայնքներում, կրթական, մշակութային, հասարակական կազմակերպություններում իրականացվում են շարադրությունների, նկարների ցուցանանդեսների, երգի, ասմունքի մրցույթներ, թեմատիկ դասախոսություններ, կլոր սեղաններ, հիշատակի և ոգեկոչման արարողություններ: Միջոցառումների գործընթացը համակողմանի անցկացնելու համար մաքրվում, բարեկարգվում են համայնքներում գտնվող մշակութային կոթողների, հուշարձանների շրջակայքը, միջհամայնքային և ներհամայնքային ճանապարհները, տարածքները: Այդ նպատակով մարզպետի հանձնարարությամբ ընթանում է սանիտարական միամսյակը, որն արդեն ավանդական է դարձել:

Մարզում նոր աշխատատեղերի ստեղծման նպատակով համապատասխան ծրագրերի առկայության դեպքում կազմակերպություններին, ձեռնարկություններին, ընկերություններին վարկերի տրամադրման հնարավորության քննարկման ժամանակ մարզպետարանի աշխատակազմի զարգացման ծրագրերի բաժնի պետ՝ Ի. Բարսեղյանը կարևորեց մասնավոր ներդրումների խթանման միջոցառումների կազմակերպման և գերակա ոլորտների/գյուղմթերքների վերամշակում և իրացում, զբոսաշրջություն/զարգացման ծրագրերի մշակման հարցը: Ի.Բարսեղյանը համայնքի ղեկավարներին առաջարկեց կազմել տարածաշրջանային և մարզային ներդրումային առաջարկների փաթեթներ և տեղացի և օտարերկրյա ներդրողների համար պարբերաբար կազմակերպել իրազեկման միջոցառումներ:

Օրակարգային հարցերից էր նաև համայնքների բյուջեների կատարման և սեփական եկամուտների հավաքագրման գործընթացի մասին հաղորդումը: Մարզխորհրդի նիստի մասնակիցները տեղեկացան, որ առաջին եռամսյակի կտրվածքով սեփական եկամուտները, ընդհանուր առմամբ, կատարվել է 17,3 %-ով: Այդ թվում՝ Աշտարակի տարածաշրջանում՝ 17,6, Ապարանում՝ 19,5, Արագածում՝ 12,3 և Թալինում՝ 17,8%: Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն.Գալստյանը դիմեց այն համայնքի ղեկավարներին, որտեղ ցուցանիշները գոհացուցիչ չէին և հարցի լուծման համար առաջարկեց ձեռնարկել համապատասխան միջոցառումներ: Ն.Գալստյանը անդրադարձավ նաև գնումների գործընթացի կազմակերպման հարցերին:

Վերջին 10-15 տարում մարզում քաղաքացիների կողմից սեփական հողերից հրաժարվելու դեպքերի և այդ հողերի հետագա տնօրինման օրինականության մասին հարցերին անդրադարձավ մարզպետարանի աշխատակազմի հողաշինության և հողօգտագործման բաժնի պետ Գ. Օհանյանը: Նա համայնքի ղեկավարներին առաջարկեց ևս մեկ անգամ ճշտել և մարզպետարան ներկայացնել համապատասխան ցուցակները:

Ելույթով հանդես եկավ նաև մարզպետի տեղակալ Մուշեղ Աբգարյանը և ներկայացրեց համայնքներում իրականացված մանիթորինգի արդյունքում արձանագրված խախտումները: Աբգարյանը առաջարկեց հետևողական լինել և պարբերաբար տեղեկատվություն ներկայացնել համայնքներում կազմակերպվող ծառատունկի, վարձակալական հողերի պայմանագրերի կնքման և դրանց վճարումների վերաբերյալ:

Մարզխորհրդի նիստի աշխատանքներն ամփոփեց մարզպետ Սարգիս Սահակյանը: Նա համայնքների ղեկավարներին հորդորեց առավել ուշադիր և հետողական լինել Հայոց ցեղասպանության 100-ամյա տարելիցին նվիրված միջոցառումների անցկացմանը, ըստ ամենայնի նախապատրաստվել համայնքներում այդ օրերին արտերկրից սպասվելիք բազմաթիվ հյուրերի այցելություններին: Նա նաև կարևորեց սեփական եկամուտների հավաքագրման, լոլիկի արտադրությանը նպաստող աշխատանքների կազմակերպման, ինչպես նաև ազոտական պարարտանյութի և դիզելային վառելիքի ձեռքբերման գործընթացները ժամանակին և կյազմակերպված իրականացնելը: Մարզպետը նաև բարձրացրեց գարնանային վարարումների արդյունքում խմելու ջրի որակական հատկանիշների ապահովման, այդ նպատակով իրականացվելիք ընթացիկ աշխատանքների հարցը:



Ս.ՍԱՀԱԿՅԱՆ